

«Қазақстан Халық Банкі» АҚ акционерлері
жалпы жиналысының шешімімен
(2010 жылғы 23 сәуірдегі № 28 хаттама)
БЕКІТІЛДІ

«Қазақстан Халық Банкі» АҚ акционерлерінің
жалпы жиналыстарының 2012 жылғы 19
сәуірдегі № 30 хаттамасы, 2014 жылғы 25
сәуірдегі № 34, 2016 жылғы 22 сәуірдегі № 37,
2019 жылғы 18 сәуірдегі № 42
хаттамасындағы шешімдерімен енгізілген
өзгерістер мен толықтырулармен

«ҚАЗАҚСТАН ХАЛЫҚ БАНКІ» АҚ БАҒАЛЫ ҚАҒАЗДАРДЫҢ ҰЙЫМДАСТЫРЫЛМАҒАН НАРЫҒЫНДА АКЦИЯЛАР САТЫП АЛҒАНДА АКЦИЯЛАР ҚҰНЫН АНЫҚТАУ ӘДІСТЕМЕСІ

1-тарау. Жалпы ережелер

Әдістеменің 1-тармағына «Қазақстан Халық Банкі» АҚ акционерлерінің жалпы жиналысының шешіміне сәйкес өзгерістер енгізілді (2016 жылғы 22 сәуірдегі №37 хаттама)

1.«Қазақстан Халық Банкі» АҚ ұйымдастырылмаған бағалы қағаздар нарығында акцияларды сатып алу барысында олардың құнын анықтаудың осы әдістемесі (бұдан әрі - Әдістеме) Қазақстан Республикасының заңнамасына және «Қазақстан Халық Банкі» АҚ-ның (бұдан әрі - Банк) ішкі нормативтік құжаттарына сәйкес әзірленді және ұйымдастырылмаған бағалы қағаздар нарығында Банктің акцияларын сатып алу барысында олардың құнын анықтау тәртібін белгілейді.

2.Осы Әдістемеді пайдаланылатын терминдердің мынадай анықтамалары бар:

1) *акция* – Банк шығаратын және Банкті басқаруға қатысу, таратылған кезде ол бойынша дивиденд алу және Банк мүлкінің бір бөлігін алу құқығын, сондай-ақ Қазақстан Республикасының заңнамалық актілерінде қарастырылған басқа да құқықтарды куәландыратын бағалы қағаз;

2) *Бас Банк* – Банк орналасатын жердегі және оның оқшау бөлімшелерінің қызметін үйлестіруші бас офис;

3) *Депозитарлық қолхат* – осы депозитарлық қолхаттың базалық активі болып табылатын Банктің қарапайым акцияларының белгілі бір санына жеке меншік құқығын растайтын туынды эмиссиялық бағалы қағаз;

Әдістеменің 2-тармағының 4) тармақшасына «Қазақстан Халық Банкі» АҚ акционерлерінің жалпы жиналысының шешіміне сәйкес өзгерістер енгізілді (2019 жылғы 18 сәуірдегі №42 хаттама), 2019 жылғы 1 шілдеден бастап күшіне енеді

4) *бағалы қағаздардың ұйымдастырылмаған нарығы* – бағалы қағаздардың және өзге де қаржы құралдарының айналым саласы, онда бағалы қағаздармен және өзге де қаржы құралдарымен, оның ішінде шетел валюталарымен және туынды қаржы құралдарымен жасалатын мәмілелер қор биржасының ішкі құжаттарында белгіленген талаптар сақталмай жүзеге асырылады;

Әдістеменің 2-тармағының 5) тармақшасына «Қазақстан Халық Банкі» АҚ акционерлерінің жалпы жиналысының шешіміне сәйкес өзгерістер енгізілді (2019 жылғы 18 сәуірдегі №42 хаттама), 2019 жылғы 1 шілдеден бастап күшіне енеді

5) бағалы қағаздардың ұйымдастырылған нарығы - эмиссиялық бағалы қағаздар мен өзге де қаржы құралдарының айналым саласы, олармен жасалатын мәмілелер қор биржасының ішкі құжаттарына сәйкес жүзеге асырылады;

Әдістеменің 2-тармағының 6) тармақшасына «Қазақстан Халық Банкі» АҚ акционерлерінің жалпы жиналысының шешіміне сәйкес өзгерістер енгізілді (2019 жылғы 18 сәуірдегі №42 хаттама), 2019 жылғы 1 шілдеден бастап күшіне енеді

6) сауда-саттықты ұйымдастырушы – Қазақстан Республикасының «Бағалы қағаздар нарығы туралы» заңға сәйкес орталық депозитарийдің клиенттері арасындағы белгіленімдермен алмасу жүйесін пайдалану және оған қолдау көрсету арқылы сауда-саттықты ұйымдастырушылық және техникалық қамтамасыз етуді жүзеге асыруы кезіндегі қор биржасы немесе орталық депозитарий;

7) орналастырылған акциялар - бағалы қағаздардың бастапқы нарығында құрылтайшылар мен инвесторлар толығымен құнын төлеген Банк акциялары;

Әдістеменің 2-тармағының 8) тармақшасына «Қазақстан Халық Банкі» АҚ акционерлерінің жалпы жиналысының шешіміне сәйкес өзгерістер енгізілді (2016 жылғы 22 сәуірдегі №37 хаттама)

8) уәкілетті орган – Қазақстан Республикасының Ұлттық Банкі.

3. Осы Әдістеменің әрекеті Банк орналастырған акциялар сатып алынатын мына жағдайларға таралады:

- 1) Банк бастамасымен;
- 2) акционердің талабы бойынша;
- 3) акционердің өтініші бойынша.

4. Банк орналастырылған акцияларды құнын өтеп сатып алу шарасын акцияларды одан әрі сату, акционерлер құқығын сақтау (Банк акционерге тиесілі акцияларды ҚР заңнамасына сәйкес сатып алуға міндетті болатын жағдайда), сондай-ақ Қазақстан Республикасының заңнамасына және Банк Жарғысына қайшы келмейтін өзге мақсатта жүзеге асырады.

5. Орналастырылған акцияларды Қазақстан Республикасының резиденті емес - акционерлерінен сатып алуды Банк Қазақстан Республикасының резидент-акционерлері үшін белгіленген тәртіп бойынша жүргізеді.

6. Банк акционерлері осы Әдістемемен танысу құқығына ие.

7. Осы Әдістемемен реттелмеген мәселелер Қазақстан Республикасының қолданыстағы заңнамасына сәйкес реттеледі.

Әдістеме 7-1-тармағымен «Қазақстан Халық Банкі» АҚ акционерлерінің жалпы жиналысының шешіміне сәйкес толықтырылды (2019 жылғы 18 сәуірдегі № 42 хаттама)

7-1. Әдістеме Қазақстан Республикасы заңнамасы, «Қазақстан қор биржасы» АҚ-тың ішкі қағидалары өзгеруі нәтижесінде осы Әдістеменің жекелеген нормалары оларға қарама-қайшы болатын болса, Қазақстан Республикасының қолданыстағы заңнамасын және/немесе «Қазақстан қор биржасы» АҚ-тың ішкі қағидаларын басшылыққа алу қажет.

2-тарау. Банктің орналастырылған акцияларды сатып алуының жалпы ережелері

8. Банк мүддесін ескеріп және Қазақстан Республикасының қолданыстағы заңнамасын басшылыққа ала отырып, Банк Басқармасы Директорлар кеңесіне Банктің орналастырған акцияларын сатып алу туралы шешім қабылдау жөнінде өтініш-қолдау хат беруге құқылы. Бұл ретте Банк Басқармасының өтініш-қолдау хатында мынадай ұсыныстар берілуге тиіс:

- 1) орналастырылған акцияларды сатып алудың орындылығына және сатып алу мақсатына негіздеме беру;
- 2) сатып алынатын акциялардың саны және түрі;
- 3) орналастырылған акцияларды сатып алу бағасын немесе сатып алу бағасын айқындау әдістемесін;
- 4) акцияларды сатып алу жүзеге асырылатын мерзім;
- 5) сатып алу талаптары.

9. Басқарманың өтінішімен келіскен жағдайда, Банктің Директорлар кеңесі Банк орналастырған акцияларды сатып алу туралы шешім қабылдауға құқылы.

10. Қазақстан Республикасының қолданыстағы заңнамасына сәйкес акционерлік қоғамдарға олардың орналастырған акцияларын сатып алуға тыйым салатын негіздемелер бар болса, өзі орналастырған акцияларды сатып алуға Банктің құқығы жоқ.

Әдістеменің 11-тармағына «Қазақстан Халық Банкі» АҚ акционерлерінің жалпы жиналысының шешіміне сәйкес өзгерістер енгізілді (2019 жылғы 18 сәуірдегі №42 хаттама)

11. Банк сатып алған және сатып алатын акциялардың жалпы саны оның орналастырған акцияларының жалпы санының 25% (жиырма бес пайызынан), ал Банктің акция сатып алуға жұмсайтын қаржысы оның меншікті капиталының 10 % (он пайызынан) аспауы керек:

1) орналастырылған акциялар акционердің талабымен сатып алынатын жағдайда – мынадай күнгі жағдайға сәйкес:

- Банк акционерлерінің жалпы жиналысы осы Әдістеменің 28-тармағының 1), 2) және 5) тармақшаларында көрсетілген шешімдерді қабылдайтын;

- сауда-саттықты ұйымдастырушы акциялардың делистингі туралы шешім қабылдаған;

- ірі мәміле және (немесе) Банк мүдделілік танытқан мәмілені бекіту туралы шешім қабылдаған;

2) орналастырылған акциялар Банк бастамасымен сатып алынатын жағдайда - орналастырылған Банк акцияларын сатып алу туралы шешім қабылданған күнгі жағдайға сәйкес;

12. Уәкілетті органның нормативтік құқықтық актілерімен белгіленген пруденциалдық нормативтер мен қаржылық тұрақтылықтың басқа да көрсеткіштері немесе критерийлері (нормативтері) мәміле нәтижесінде бұзылмайтын жағдайда Банк акциялардың 10 (он) және одан көп пайызы тиесілі акционерлерден акцияларды сатып алу жөнінде мәмілелер жасасуға құқылы.

13. Банк сатып алған акциялар оның акционерлерінің жалпы жиналысының кворумын айқындауда ескерілмейді және онда дауыс беруге қатыспайды. Банк сатып алған акциялар бойынша дивиденд есептелмейді және төленбейді.

3-тарау. Орналастырылған акцияларды Банк бастамасымен сатып алу

§1. Орналастырылған акцияларды Банк бастамасымен сатып алу тәртібі

14. Банк өз бастамасы бойынша акционерінің келісімімен одан әрі сату немесе Қазақстан Республикасының заңнамасына және (немесе) Жарғыға қайшы келмейтін өзге мақсатта орналастырылған акцияларды сатып алуға құқылы. Егер Қазақстан Республикасының заңнамасында және/немесе Банк Жарғысында басқаша қарастырылмаса, Банк орналастырылған акцияларды өз бастамасымен сатып алуды Директорлар кеңесінің шешімі негізінде жүзеге асыра алады.

15. Банк өзі орналастырған акцияларды мына жағдайларда сатып алуға құқылы емес:

1) егер акцияларды сатып алу нәтижесінде Банктің меншікті капиталының көлемі Қазақстан Республикасының заңнамасында белгіленген жарғылық капиталдың ең төменгі мөлшерінен азайып қалатын болса;

2) егер акциялар сатып алынатын сәтте Банкте төлем қабілетсіздігі немесе банкроттық туралы заңнамаға сәйкес дәрменсіздік белгісі байқалса, не болмаса мұндай белгілер Банкте сатып алу талап етілетін немесе болжанған акциялардың барлығын сатып алу салдарынан пайда болса;

3) егер сот шешімі негізінде немесе Банк акционерлері жалпы жиналысының шешіміне сәйкес Банк таратылатын болса;

4) Қазақстан Республикасының қолданыстағы заңнамасында қарастырылған өзге жағдайларда.

16.Банктің Директорлар кеңесінің орналастырылған акцияларды сатып алу туралы шешімінде сатып алынатын акциялар түрі мен саны, сатып алу бағасы, сатып алу жүргізілетін мерзім және сатып алу талаптары атап көрсетіледі.

Әдістеменің 17-тармағына «Қазақстан Халық Банкі» АҚ акционерлерінің жалпы жиналысының шешіміне сәйкес өзгерістер енгізілді (2019 жылғы 18 сәуірдегі №42 хаттама)

17.Егер Банктің өз бастамасы бойынша сатып алынатын орналастырылған акциялардың саны акциялардың жалпы санының 1% (бір пайызынан) асатын болса, акцияларды сату-сатып алу мәмілесі (мәмілелері) жасалғанға дейін Банк мұндай сатып алу туралы Банктің өзінің орналастырылған акцияларын сатып алуы туралы хабарламасын қазақ және орыс тілдерінде қаржылық есептілік депозитарийінің интернет-ресурсында, сондай-ақ Банктің қарауы бойынша Банк Жарғысында анықталған бұқаралық ақпарат құралдарында орналастыру арқылы жариялауға міндетті.

18.Банктің өз орналастырылған акцияларын сатып алу туралы хабарландыруында сатып алынатын акциялар түрі мен саны, сатып алу бағасы, сатып алу жүргізілетін мерзім және сатып алу талаптары секілді мәліметтер атап көрсетіледі.

Әдістеменің 19-тармағына «Қазақстан Халық Банкі» АҚ акционерлері жалпы жиналысының шешіміне сәйкес өзгерістер енгізілді (2014 жылғы 25 сәуірдегі №34 хаттама)

19. Банктің бастамасымен орналастырылған акцияларды сатып алу Банк акционерінің немесе оның уәкілетті/заңды өкілінің жазбаша өтінішінің негізінде Банк акцияларын сатып алу/сату шартына қол қоя отырып, акцияларды сатып алу-сату мәмілесін бекітіп, оны Қазақстан Республикасының қолданыстағы заңнамасында белгіленген тәртіппен тіркеу арқылы орындалады. Банктің акцияларды сатып алуы туралы өтінішін Банктің, оның ішкі нормативтік құжаттарында белгіленген нысанында акционері немесе оның уәкілетті/заңды өкілі береді. Банктің бастамасымен акциялар сатып алынғанда Банктің акцияларды сатып алғаны туралы өтініші Банктің корпоративтік веб-сайтында орналастырылады немесе Банк қызметкерлері акционерге немесе оның уәкілетті/заңды өкіліне жеке басымен Банк ұсынған талаптармен Банк акцияларын сатып алу мәселесімен Банкке келгенде беріледі.

Банктің бастамасымен акцияларды сатып алуға өтініш акционердің өзінің (немесе тиісті құжаттардың негізінде оның уәкілетті/заңды өкілінің) қолымен толтырылып, қолы қойылуы тиіс, сосын Бас Банкке тікелей немесе облыстық/өңірлік филиалдар (Банктің бөлімшелері, Дербес сервис орталықтары, VIP-орталықтар және т.с.с.) арқылы жіберілуі мүмкін.

Банк акционері акцияларды сатып алуға өтінімге жеке басын куәландыратын құжаттың көшірмесін (жеке тұлға үшін) немесе заңды тұлғаның тіркелгені (қайта тіркелгені) туралы куәлігінің көшірмесін (мемлекеттік тіркеу (қайта тіркеу) туралы анықтаманы) қоса тіркеуі тиіс. Акционер үшін өтінішті оның уәкілетті/заңды өкілі беретін болса – осы өкілдің құзыретін растаушы құжаттың көшірмесін, акционердің өзінің жеке басын куәландыратын/мемлекеттік тіркелгенін (қайта тіркелгенін) растайтын құжаттың көшірмесін береді. Банк акцияларын сатып алу-сату шартын бекіту үшін Банк қажетті қосымша құжаттарды сұратуға құқылы (мұндай құжаттарды талап ету Қазақстан Республикасының заңнамасына қайшы келмейтін болса).

20.Акционерлердің сатып алу үшін мәлімдеген орналастырылған акцияларының жалпы саны Банк сатып алатын акциялар санынан асып кеткен болса, бұл акциялар акционерлерден акционерге тиесілі акциялар санына пропорционал түрде сатып алынады.

21.Банк сатып алатын акциялардың пропорционалдық коэффициенті мынадай формуламен белгіленеді:

$K = A / C$, мұндағы:

K – пропорция коэффициенті;

A – Банк сатып алуы мүмкін жалпы акциялар саны;

C – орналастырылған акциялардың сатып алу үшін мәлімделген жалпы акциялар саны.

Банктің акционерден сатып алатын акцияларының ең жоғарғы саны акционерге тиесілі акциялардың санын пропорция коэффициентіне көбейту арқылы есептеледі.

§2. Акцияларды сатып алу бағасын айқындау әдістемесі

22. Акцияларды сатып алу бағасын айқындауда Банктің Директорлар кеңесі акцияларды төмендегідей әдістемелердің бірі бойынша айқындалған бағаға сатып алу туралы шешім қабылдауға құқылы:

- 1) орташа есептелген нарықтық баға бойынша;
- 2) нарықтық бағасы бойынша;
- 3) Банктің меншікті капиталының көлемін ескере отырып белгіленген бағамен.

23. Банктің орналастырылған акцияларды өз бастамасымен сатып алуы акцияларды сатып алу туралы хабарландыру берілген күнге дейінгі соңғы 30 (отыз) күнтізбелік күн ішіндегі бағалы қағаздардың қазақстандық ұйымдастырылған нарығында бекітілген мәмілелер бойынша есептелетін акцияның орташа нарықтық бағасымен осы Әдістемеді белгіленген тәртіпке сәйкес жүргізіледі.

Әдістеменің 24-тармағына «Қазақстан Халық Банкі» АҚ акционерлерінің жалпы жиналысының шешіміне сәйкес өзгерістер енгізілді (2016 жылғы 22 сәуірдегі №37 хаттама)

24. Қазақстандық ұйымдастырылған бағалы қағаздар нарығында акциялармен жасалған мәмілелер болмаған жағдайда, Банктің орналастырылған акцияларды өтеуін төлеп алу туралы Банктің Директорлар кеңесінің шешімі қабылданған күннің алдындағы соңғы күнтізбелік отыз күндегі акциялардың орташа өлшемді бағасын есептеу үшін, Банк акциялармен сауда-саттық көлемі туралы деректерді немесе оларға деген рұқсаттың бастамашысы Банк болып табылатын шетелдік ұйымдастырылған бағалы қағаздар нарықтарындағы депозиттік қолхаттарды пайдалана алады. Бұл ретте акциялардың орташа өлшемді бағасын есептеу Қазақстан Республикасының ұлттық валютасында, мәмілені іс жүзінде жүзеге асыру күніне қарасты «Қазақстан қор биржасы» АҚ анықтайтын теңгенің АҚШ долларына қатысты нарықтық бағамы бойынша жүргізіледі.

Әдістеменің 25-тармағына «Қазақстан Халық Банкі» АҚ акционерлерінің жалпы жиналысының шешіміне сәйкес өзгерістер енгізілді (2016 жылғы 22 сәуірдегі №37 хаттама)

25. Банктің орналастырылған акцияларды өтеуін төлеп алу туралы Банктің Директорлар кеңесінің шешімі қабылданған күннің алдындағы соңғы күнтізбелік отыз күндегі акциялардың орташа өлшемді бағасы мына формула бойынша есептеледі:

$$C = V / A, \text{ мұндағы}$$

C – Банктің орналастырылған акцияларды өтеуін төлеп алу туралы Банктің Директорлар кеңесінің шешімі қабылданған күннің алдындағы соңғы күнтізбелік отыз күндегі акциялардың орташа өлшемді бағасы;

V – Банктің орналастырылған акцияларды өтеуін төлеп алу туралы Банктің Директорлар кеңесінің шешімі қабылданған күннің алдындағы соңғы күнтізбелік отыз күндегі қазақстандық және (немесе) шетелдік ұйымдастырылған бағалы қағаздар нарықтарындағы осы акциялар бойынша мәмілелердің ақшалай өрнектегі көлемі (аталған кезеңдегі акциялармен жасалған барлық мәмілелер бойынша тиісті көрсеткіштерді қосындылау жолымен есептеледі);

A – Банктің орналастырылған акцияларды өтеуін төлеп алу туралы Банктің Директорлар кеңесінің шешімі қабылданған күннің алдындағы соңғы күнтізбелік отыз күн ішінде жасалған мәмілелердегі акциялар саны (аталған кезеңдегі акциялармен жасалған барлық мәмілелер бойынша тиісті көрсеткіштерді қосындылау жолымен есептеледі).

Әдістеменің 26-тармағына «Қазақстан Халық Банкі» АҚ акционерлерінің жалпы жиналысының шешімдеріне сәйкес өзгерістер енгізілді (2016 жылғы 22 сәуірдегі №37 хаттама және 2019 жылғы 18 сәуірдегі №42 хаттама)

26. Орналастырылған акцияларды Банктің бастамасы бойынша өтеуін төлеп алу Банктің Директорлар кеңесі өтеуін төлеп алу туралы шешімді қабылдау күніне қарасты ұйымдастырылған бағалы қағаздар нарығында қалыптасқан нарықтық баға бойынша, не болмаса Банктің маркет-мейкері сұранысының баға белгіленімі бойынша жүргізіледі (Банктің Директорлар кеңесі өтеуін төлеп алу туралы шешім қабылдаған күні ұйымдастырылған бағалы қағаздар нарығында ағымдағы нарықтық баға болмаған жағдайда). Бұл ретте нарықтық баға ретінде сауда-саттықты ұйымдастырушының ішкі қағидаларына сәйкес есептелген бағалы қағаздардың бағасы саналады. Бағалы бағаздарды бағалаудың нәтижелері «Қазақстан қор биржасы» АҚ-ның интернет-ресурсында (www.kase.kz) жарияланады.

27. Орналастырылған акцияларды Банктің өз бастамасымен сатып алуы Банктің меншікті капиталының көлемін, оның даму болашағын, Қазақстан Республикасының заңнамасының екінші деңгейдегі банктерге арналған пруденциалдық нормативтерді сақтау жөніндегі заңнама талаптарын орындауын және бағалы қағаздар құнына ықпал ететін басқа факторларды ескере отырып белгіленген бағамен жүргізілуі мүмкін.

4-тарау. Орналастырылған акцияларды Банктің акционердің талабы бойынша сатып алуы

§1. Орналастырылған акцияларды Банктің акционердің талабы бойынша сатып алу тәртібі

28. Орналастырылған акцияларды Банк акционердің талап етуімен сатып алуға міндетті, акционер мұны мына жағдайларда талап етуі мүмкін:

1) акционерлердің жалпы жиналысы Банкті қайта құру туралы шешім қабылдаған жағдайда (егер акционер Банкті қайта құру туралы мәселе қарастырылған акционерлердің жалпы жиналысына қатысқан және акционерлер жиналысының мұндай шешім қабылдауына қарсы дауыс берген болса);

2) акционерлердің жалпы жиналысы Банк акцияларының делистингі туралы шешім қабылдаған жағдайда (егер акционер акционерлердің жалпы жиналысына қатыспаған болса немесе бұл жиналысқа қатысқан және акционерлер жиналысының мұндай шешім қабылдауына қарсы дауыс берген болса);

3) сауда-саттықты ұйымдастырушы акцияларының делистингі туралы шешім қабылдаған жағдайда;

4) Қазақстан Республикасының заңнамасында және (немесе) Банк Жарғысында белгіленген тәртіпке сәйкес қабылданған Банк жасайтын ірі мәміле туралы шешіммен және/немесе жасалуына Банк мүдделілік танытып отырған мәміле туралы шешіммен келіспегенде;

5) акционерлердің жалпы жиналысы Банк Жарғысына акционерге тиесілі акциялар бойынша оның құқығын шектейтін өзгерістер мен толықтырулар енгізу туралы шешім қабылдағанда (егер акционер мұндай шешім қабылданған жалпы жиналысқа қатыспаған немесе бұл жиналысқа қатысқан, бірақ мұндай шешімге қарсы дауыс берген болса).

29. Осы Әдістеменің 28-тармағында айтылған шешім қабылданғаннан кейін немесе сауда-саттық ұйымдастырушы Банк акцияларының делистингі туралы шешім қабылдағаннан кейін 30 (отыз) күннің ішінде акционер өзіне тиесілі акцияларды құнын өтеп сатып алу туралы талаппен Банкке өтініш беруге құқылы.

30. Акционердің өзіне тиесілі акцияларды құнын өтеп сатып алу туралы өтініші жазбаша түрде берілуге тиіс, онда акцияларды сатып алу туралы айқын әрі бір мәнді нақты талап қойылады, акционердің сатып алуға ұсынатын акцияларының саны мен түрі, акционердің мекен-жайы мен болған жағдайда, байланыс телефоны, акционердің акцияларды сатып алу туралы талап қоюына түрткі болған шешім, сондай-ақ қажет болған жағдайларда басқа да мәліметтер көрсетіледі.

31. Акционердің өзіне тиесілі акцияларды құнын өтеп сатып алу туралы өтініші Бас банктің ресми мекен-жайына жіберілуге тиіс. Акционердің талабы бойынша

орналастырылған акцияларды Банктің сатып алу туралы шешімді Директорлар кеңесі қабылдайды.

32. Акционер өзіне тиесілі акцияларды сатып алу жөнінде өтініш бергенде, Банк акцияларды өтініш келіп түскеннен кейін 30 (отыз) күннің ішінде сатып алуға міндетті. Акционердің өтініші алынған күн ретінде оның өтініші Бас банктің Кеңесінде кіріс хат ретінде тіркелген күн алынады.

33. Банк осы Әдістеменің 28-тармағында көрсетілген негіздемелер болмаған жағдайда, сондай-ақ Қазақстан Республикасының заңнамасында белгіленген және Банктің орналастырылған акцияларды сатуына тыйым салатын басқа жағдайларда Банктің уәкілетті органы тиісті шешім қабылдағаннан кейін 5 (бес) жұмыс күнінің ішінде акционерге хабарлама жіберіп және бас тартылу себебін көрсете отырып, акцияларды сатып алудан бас тартуға құқылы.

34. Банк акцияларды акционердің талап етуімен сатып алу акцияларды сатып алу-сату мәмілесін бекіту және оны Қазақстан Республикасының қолданыстағы заңнамасында белгіленген тәртіппен тіркеу арқылы жүзеге асырылады.

35. Банк акционерлерінің сатып алу үшін мәлімдеген орналастырылған акцияларының жалпы саны Банк сатып алатын акциялар санынан асып кеткен болса, бұл акциялар акционерлерден оларға тиесілі акциялар санына пропорционал түрде сатып алынады.

36. Банк сатып алатын акциялардың пропорционалдық коэффициенті мынадай формуламен белгіленеді:

$K = A / C$, мұндағы:

K – пропорция коэффициенті;

A – Банк сатып алуы мүмкін жалпы акциялар саны;

C – орналастырылған акциялардың сатып алу үшін мәлімделген жалпы акциялар саны.

Банктің акционерден сатып алатын акцияларының ең жоғарғы саны акционерге тиесілі акциялардың санын пропорция коэффициентіне көбейту арқылы есептеледі.

§2. Акцияларды акционердің талабы бойынша Банктің сатып алу бағасын айқындау әдістемесі

37. Орналастырылған акцияларды акционердің талабы бойынша сатып алу бағасын айқындауда Банктің Директорлар кеңесі акцияларды төмендегідей әдістемелердің бірі бойынша айқындалған бағаға сатып алу туралы шешім қабылдауға құқылы:

1) нарықтық құны бойынша;

2) Банктің меншікті капиталының көлемін ескере отырып белгіленген бағамен.

Әдістеменің 38-тармағына «Қазақстан Халық Банкі» АҚ акционерлерінің жалпы жиналысының шешіміне сәйкес өзгерістер енгізілді (2016 жылғы 22 сәуірдегі №37 хаттама және 2019 жылғы 18 сәуірдегі №42 хаттама)

38. Орналастырылған акцияларды акционердің талап етуі бойынша Банктің өтеуін төлеп алу бағасы Қазақстан Республикасы заңнамасына сәйкес нарықтық баға бойынша, Банктің Директорлар кеңесі өтеуін төлеп алу туралы шешімді қабылдау күніне қарасты ұйымдастырылған бағалы қағаздар нарығында қалыптасқан нарықтық баға немесе Банктің маркет-мейкері сұранысының баға белгіленімі ескеріле отырып анықталады (Банктің Директорлар кеңесі өтеуін төлеп алу туралы шешім қабылдаған күні ұйымдастырылған бағалы қағаздар нарығында ағымдағы нарықтық баға болмаған жағдайда). Бұл ретте нарықтық баға ретінде сауда-саттықты ұйымдастырушының ішкі қағидаларына сәйкес есептелген бағалы қағаздардың бағасы саналады. Бағалы бағаздарды бағалаудың нәтижелері «Қазақстан қор биржасы» АҚ интернет-ресурсында (www.kase.kz) жарияланады.

39. Орналастырылған акцияларды акционердің талабы бойынша Банктің сатып алуы Банктің меншікті капиталының көлемін, оның Банктің даму жоспарына сәйкес өзгеру перспективаларын, Қазақстан Республикасының заңнамасының екінші деңгейдегі банктерге арналған пруденциалдық нормативтерді сақтау жөніндегі заңнама талаптарын

орындауын және бағалы қағаздар құнына ықпал ететін басқа факторларды ескере отырып белгіленген бағамен жүргізілуі мүмкін.

5-тарау. Акцияларды акционердің өтініші бойынша сатып алу

§1. Орналастырылған акцияларды Банктің акционердің өтініші бойынша сатып алу тәртібі

40. Өзіне тиесілі орналастырылған акцияларды сатқысы келетін акционер Банкке өз акцияларын сатып алу жөнінде өтініш жазуға құқылы.

Әдістеменің 41-тармағына «Қазақстан Халық Банкі» АҚ акционерлері жалпы жиналысының шешіміне сәйкес өзгерістер енгізілді (2014 жылғы 25 сәуірдегі №34 хаттама)

41. Акционердің оған тиелісі акцияларын Банктің сатып алатыны туралы өтініші Банктің ішкі нормативтік құжаттарында белгіленген нысанында жазылып, мұнда Банкке акцияларды сатып алу-сату мәмілесін бекіту туралы нақты және бір мағынадағы ұсынысы, акционердің сатуға ұсынатын акцияларының көрсетілген саны, сатылатын бағасы мен басқа да елеулі талаптары, мекенжайы және бар болса, акционердің байланыс телефондары болуы тиіс. Банк акцияларын сатып алуға өтініштің нысанын Банк қызметкері, акционер жеке басымен Банкке оған тиесілі акцияларды Банкке немесе оның уәкілетті/заңды өкіліне сату ниетімен келген кезде береді.

Банк акционері акцияларды сатып алуға өтінімге жеке басын куәландыратын құжаттың көшірмесін (жеке тұлға үшін) немесе заңды тұлғаның тіркелгені (қайта тіркелгені) туралы куәлігінің көшірмесін (мемлекеттік тіркеу (қайта тіркеу) туралы анықтаманы) қоса тіркеуі тиіс. Акционер үшін өтінішті оның уәкілетті/заңды өкілі беретін болса – осы өкілдің құзыретін растаушы құжаттың көшірмесін, акционердің өзінің жеке басын куәландыратын/мемлекеттік тіркелгенін (қайта тіркелгенін) растайтын құжаттың көшірмесін береді. Банк акцияларын сатып алу-сату шартын бекіту үшін Банк қажетті қосымша құжаттарды сұратуға құқылы (мұндай құжаттарды талап ету Қазақстан Республикасының заңнамасына қайшы келмейтін болса).

Әдістеменің 42-тармағына «Қазақстан Халық Банкі» АҚ акционерлері жалпы жиналысының шешіміне сәйкес өзгерістер енгізілді (2014 жылғы 25 сәуірдегі №34 хаттама)

42. Акционердің, оған тиесілі акцияларды сатып алуы туралы өтініші Бас Банкке тікелей немесе Банктің облыстық/өңірлік филиалдары (Банктің бөлімшелері, Дербес сервис орталықтары, VIP-орталықтар және т.с.с.) арқылы жіберілуі тиіс.

43. Егер Қазақстан Республикасының заңнамасында және/немесе Банк Жарғысында басқаша қарастырылмаса, Банк орналастырылған акцияларды акционердің өтініші бойынша сатып алуды Директорлар кеңесінің шешімі негізінде жүзеге асырады.

Мұндай шешімде сатып алынатын акциялар түрі мен саны, сатып алу бағасы, сатып алу жүргізілетін мерзім және сатып алу талаптары атап көрсетіледі.

44. Банк осы Әдістеменің 15-тармағында қарастырылған жағдайларда орналастырылған акцияларды акционердің өтініші бойынша сатып алуға құқығы жоқ.

45. Банк акцияларды акционердің өтініші бойынша сатып алуды Банк пен акционердің акцияларды сатып алу-сату шартына қол қоюы және акцияларды сатып алу-сату мәмілесін Қазақстан Республикасының қолданыстағы заңнамасында белгіленген тәртіппен тіркеу арқылы жүзеге асырады.

46. Егер акционердің өтінішіне сәйкес Банктің сатып алатын акцияларының саны акциялардың жалпы санының 1% (бір пайызынан) асатын болса, бұл сатып алуға Қазақстан Республикасының заңнамасында және осы Әдістемеді орналастырылған акцияларды Банк бастамасы бойынша сатып алуға қатысты белгіленген нормалар қолданылады.

§2. Акцияларды Банктің акционердің өтініші бойынша сатып алу бағасын айқындау әдістемесі

47. Орналастырылған акцияларды акционердің өтініші бойынша сатып алу бағасын айқындауда Банктің Директорлар кеңесі акцияларды төмендегідей әдістемелердің бірі бойынша айқындалған бағаға сатып алу туралы шешім қабылдауға құқылы:

1) нарықтық құны бойынша;

2) Банктің меншікті капиталының көлемін ескере отырып белгіленген бағамен.

Әдістеменің 48-тармағына «Қазақстан Халық Банкі» АҚ акционерлерінің жалпы жиналысының шешіміне сәйкес өзгерістер енгізілді (2016 жылғы 22 сәуірдегі №37 хаттама және 2019 жылғы 18 сәуірдегі №42 хаттама)

48. Орналастырылған акцияларды акционердің өтініші бойынша Банктің өтеуін төлеп алу бағасы Қазақстан Республикасы заңнамасына сәйкес нарықтық баға бойынша, Банктің Директорлар кеңесі өтеуін төлеп алу туралы шешімді қабылдау күніне қарасты ұйымдастырылған бағалы қағаздар нарығында қалыптасқан нарықтық баға немесе Банктің маркет-мейкері сұранысының баға белгіленімі ескеріле отырып анықталады (Банктің Директорлар кеңесі өтеуін төлеп алу туралы шешім қабылдаған күні ұйымдастырылған бағалы қағаздар нарығында ағымдағы нарықтық баға болмаған жағдайда). Бұл ретте нарықтық баға ретінде сауда-саттықты ұйымдастырушының ішкі қағидаларына сәйкес есептелген бағалы қағаздардың бағасы саналады. Бағалы бағаздарды бағалаудың нәтижелері «Қазақстан қор биржасы» АҚ интернет-ресурсында (www.kase.kz) жарияланады.

49. Орналастырылған акцияларды акционердің өтініші бойынша Банктің сатып алуы Банктің меншікті капиталының көлемін, оның Банктің даму жоспарына сәйкес өзгеру перспективаларын, Қазақстан Республикасының заңнамасының екінші деңгейдегі банктерге арналған пруденциалдық нормативтерді сақтау жөніндегі заңнама талаптарын орындауын және бағалы қағаздар құнына ықпал ететін басқа факторларды ескере отырып белгіленген бағамен жүргізілуі мүмкін.